



Ol Bot Pipel i laik kam

Ben Skorplo i raitim.

Minista bilong ol Provins, Pater John Momis, i stap nau long wanpela bikpela kibung bilong Yunaitet Nesens. Dispela kibung i kamap long Geneva, long kantri Switserlan. Long dispela kibung ol i toktok long ol ranawe man bilong Vietnam. Ol i kolim ol dispela ranaweman ol "BOT PIPEL". Ol i dispela pipel i save painim nabaut ol rabis sip na kalap i go long painim nupela kantri.

Mista Kurt Waldheim, Sekreteri bilong Yunaitet Nesens, i bin singautim ol kantri stap klostu long Vietnam long i kam long dispela kibung. Kibung i stat long 20 Julai na i pinis long 21 Julai.

Long dispela kibung bai ol i toktok long painim we long helpim ol ranawe man, o ol bot pipel. I luk olsem bai ol i askim PNG tu long kisim sampela bot pipel i kam insait long PNG. Planti tausen ol bot pipel bilong kantri Vietnam, long Asia, i wok long ranawe i go long Malaysia, Hong Kong na Thailand. Dispela tripela kantri i painim hat tru long lukautim ol. Ol i sot tru long graun long givim long ol.

Ol bot pipel i ranawe long wanem ol i no laikim nupela Komunis Gavman. Dispela gavman i kisim pawa long 1975. Ol i wok yet long bosim olgeta samting insait long Vietnam.

Long wik i go pinis hetman bilong Yunaitet Nesens long PNG, Mista Tom Unwin i singautim PNG long larim 1,000 famili bilong ol Bot Pipel i

kam i stap long PNG.

Gavman bilong yumi i tokaut pinis ol i tingting long helpim ol Bot Pipel sapos dispela trabel i kamap bikpela tru.

Siaman bilong ol Katolik Bisop Kaunsil, Bisop Ferman Schmidt, i tok olsem. Sapos Gavman i orait long larim sampela ranawe man i kam orait ol i mas skelim na kisim wan wan tasol i kam insait. Bisop Schmidt i tok planti bilong ol dispela bot pipel em ol Saina husat i sindaun long Vietnam. Em i tok ol i ranawe tasol long painim kantri we i gat gutpela Gavman. Ol i laik sindaun gut na wokim wok bilong ol.

Tasol Memba bilong Miln Be long Nesenel Palamen, Sir John Guise i tok aut strong tru long Gavman i no ken larim ol bot pipel i kam insait long kantri bilong yumi. Sir John Guise i tok Gavman i mas givim wok long ol PNG manmeri pastaim. Nogut ol bot pipel i kisim olgeta wok bilong yumi ol PNG man.

Em i tok tu olsem sapos PNG i gat kain



Hia Plismeri Philiberta Ga'a i sindaun toktok wantaim sampela lida bilong ol Mekeo pipel long Sentral Provins. Ol i singsing long Hiri Moale singsing. Taim ol Provinsal Premia i kibung long Wewak i laik ol provins i kisim pawa long bosim ol plis. Na wanpela premia i tok olsem planti ol lapun lida bilong ol lain, i save kirapim planti long ol pait insait long Hailans. (Lukim stori long pes 5).



VIETNAM KRAI

Tarangu planti ol lain pipel bilong Vietnam i no gat ples. Bai yumi can helpim ol olsem wanem? Ating Gavman i mas askim ol pipel long laik na tingting bilong ol. Ol i laik bai sampela long ol lain i kam o no gat? I no isi tru long yumi larim sampela long ol lain ya i kam. Long wanem i gat planti kain kain politik i stap.

Tasol i gat wangepa stia. Ol pipel bilong yumi i save long pasin bilong ol tumbuna bilong yumi. Sapos ol sampela lain i kisim bagarap na ol i drip wantaim kanu bilong ol i kam. Yumi save kisim na lukautim. Givim kaikai. Na askim ol long stap wantaim yumi.

Dispela trabel long Vietnam i traim yumi na dispela gutpela pasin bilong ol tumbuna bilong yumi. Bai yumi tingim ol tumbuna o no gat? Planti long yumi i mas i gat bikpela sori long ol tarangu ya. Ol lain Vietnam manmeri na pikinini i lusim ples na sel long ol bikpela kanu. Namel, long rot planti long ol i save dai long sik na hangre. Tasol ol i pait yet i go. Na painim ples bilong sindaun.

Nau i luk olsem Gavman bilong yumi i no klia long tingting bilong en.

Olsem na nau em i taim bilong ol. Nesanel Gavman na ol Provinsal gavman i mas askim ol pipel long tingting bilong ol. Ol i laikim ol lain Vietnam i kam o no gat?

Ating yumi no ken larim ol politisen manmeri tasol i mekim toktok long dispela bikpela trabel. I tru olsem ol politisen i maus bilong ol pipel. Tasol ol pipel yet i mas mekim tingting bilong ol.

Yumi mas hariap. I no gat taim bilong politik nau. I gat taim bilong sori na krai tasol.

Planti tausen manmeri na pikinini i wok long lusim laip bilong ol.

Na yumi no ken westim taim long planti toktok nabaut. Samting yumi mas mekim nau em hia. Yumi larim ol i kam o no gat.

National weekly in Melanesian Pidgin

Editorial:

P.O. Box 1982
Boroko
Phone: 25 2500
Telex: NE 22213

Advertising:

In P.N.G.

Georgina Gaiger
Phone: 25 2500

Advertising:

In Australia
Media Sales Australia
Sydney
Phone: 436 1000

Subscription Rate:
Annual: K8.00



kain man bilong arapela kantri i stap bai bihain i gat planti trabel i kamap namel long PNG na ol bot pipel. Tasol Mista Unwin, i tok ol bot pipel i gat planti gutpela save long pasin bilong kamapim rais. Em i tok ol inap skulim yumi PNG long kamapim rais.

I gat moa long 200,000 (tu handet tausen) bot pipel nau i

stap long Thailand na Malaysia. I gat planti moa i stap long bik solwara. Ol i lukautim kantri yet.

Moa long 75,000 (seventi faiv tausen) bot pipel i go pinis long Hong Kong. Gavman bilong Hong Kong i orait pinis long 15,000 (fifin tausen) bot pipel i kamap sitisen bilong Hong Kong. Tasol moa long 40,000 (foati tausen) i wet yet

i stap long ol kem bilong ol bot pipel. Australia tu i orait long 30,000 (teti tausen) ol bot pipel i kam sindaun insait long Australia.

Tasol planti long dispela bot pipel i dai pinis taim bot bilong ol i kapsait long bikpela solwara. Olsem nau ol Yunaitet Nesens i kibung long helpim na painim kantri long ol tarangu bot pipel.

Gavman i gat bikpela wari long rot bilong salim toksave i go long ol pipel. Praim Minista, Mista Michael Somare i tok olsem. Na nau em i kirapim wangepa komiti bilong lukautim sampela nupela rot.

Mista Somare i tok, nau planti kain kain tingting i kamap pinis bilong givim toksave i go long ol man.

Sampela tingting i olsem: yumi mas kirapim televisin - em i bokis olsem bikpela redio. Tasol yu inap lukim piksa na harim toktok i kam long dispela bokis.




Ol poro i ritim nius.


Kros long rent bilong Hostel

Martin Neilsen i raitim

Nem bilong mi Salome Larus. Mi kam long Not Solomons na mi wok long D.P.I. Mi no amamas long tok bilong Minista. Sapos Gavman i apim pe bilong Ranuguri Hostel orait ol i mas apim pe bilong mi o stretim tru ol samting insait long hostel. Em tasol.



Long Ogas 1, Gavman bai apim rent bilong ol manmeri i stap long ol hostel bilong en. Moa long 2,000 (tu tausen) singel gavman opisa i stap nau long ol hostel bilong Gavman. Inap nau ol man i baim rent long K29 (twenti nain kina) samting long olgeta fotnait.



Nem bilong mi College Hanua. Mi wok long Nesene! Laba Opis. Mi no amamas long Gavman i apim pe bilong ol hostel. Bipo mipela save kisim gutpela kaikai. Tasol bihain long 1976 kaikai i no gutpela tumas. Bipo mipela baim hostel long K29 (twenti nain kina) long fotnait. Long dispela taim Gavman i saplai long masin bilong wasim klos. Tasol nau no gat.

Nem bilong mi Zedede Sombo. Mi wok long Nesene! Meping Dipatmen long Waigani. Mi ting samela toktok bilong Gavman i no stret tumas. Mi yet mi toktok wantaim Mista Ernest Baloiloi, Menesa bilong ol Gavman Hostel. Gavman i no bosim gut ol hostel. Mani i lus nating. Planti kaikai i lus nating long olgeta de. Haus kuk i kukim planti kaikai tasol ol i tromoi planti kaikai nating. Na tu planti samting i no wok gut na



mani i lus nating. Mi baim takis olsem ol arapela wokman. Olsem mipela i no pinisim nating mani bilong ol pipel.


Tasol long Ogas 1, bai rent i go antap. Sampela bai baim long K48 (foti et kina) long fotnait.

Minista bilong bosim ol Haus bilong Gavman, -Mista John Noel, i tok, long taim nau Gavman i no apim rent bilong ol hostel. Long 1966 inap long 1979 rent long ol hostel i no go antap. Tasol insait long dispela taim pe bilong olgeta samting i go antap tru.



Nem bilong mi Anthony Puyahanmui. Mi wok long Opis bilong Infomesen. Mi no laik tru bai gavman i apim rent na putim meta. Mi ting i no stret yumi mas baim pawa na wara. Gavman mekim olsem ol i putim narapela rent gen antap long rent bilong mipela.

Nem bilong mi Marilyn Wutsik. Mi wok long American Embassy. I no stret Gavman i no tok klia long mipela long sampela mun i go pinis. Mipela i gat 3-pela wik tasol long painim nupela haus. Samting olsem i no stret.



Olsem Wantok i salim wanpela ripota bilong em i go askim ol manmeri i stap long Ranuguri Gavman hostel long tingting bilong ol. Em hia sampela bekim ol i givim long ripota.



Nem bilong mi Monica Marvis. Mi kalap nogut tru taim mi harim nius. Mipela sampela nau tasol i pinisim Yuni o Koles. Mipela i stap long trening yet. Mipela i no inap baim rent long bikpela mani. Narapela samting tu ol i no was gut long mipela ol meri. Sampela rum i no gat telepon. Ol sia na tabol i bruk nabaut. Ol flai waia i bruk. Ol i mas stretim samting pastaim sapos ol i laik apim rent i go long K48 (foti et kina) long fotnait.

NIUS - NIUS - NIUS - NIUS - NIUS - NIUS -

★ LAIK RAUSIM GAVANA JENERAL - Mista Stephen Sio, Mema bilong Aitape-Lumi i ripot pinis long Konstitusene! Komiti long rausim opis bilong Gavana Jeneral. Em i ting Gavana Jeneral i no gat planti wok na gavman i westim planti mani long baim em. Em i ting Nesene! Eksekutiv Kaunsil inap mekim ol wok bilong Gavana Jeneral.

★ T.V. MUVI - Wanpela bikpela muvi kampani long Japan ol i laik wokim stori bilong Sir Maori Kiki long T.V. muvi. Long sampela yia i go pinis ol i tanim stori bilong Sir Maori i go long tok ples bilong ol Japan. Nau ol i laik wokim i kamap T.V. muvi. Ol i wok nau long kisim poto long Mosbi, Kerema, Orokol, na Not Solomons Provins.

★ NUPELA LOD MEYA - Mosbi Siti Kaunsil i rausim Lod Meya, Kaunsila Sevese Morea na makim Kaunsila Kipling Uiari nupela Lod Meya. Planti kain tok kros na pait i kamap insait long kaunsil inap long 5-pela mun nau. Kros i kamap taim kaunsil i rausim olpela Lod Meya, Kipling Uiari na makim Sevese Morea nupela Lod Meya. Inap nau kaunsil i bruk long tupela lain; lain bilong Sevese Morea na lain bilong Kipling Uiari. I luk olsem lain bilong Kipling Uiari i strong gen na ol i rausim Sevese Morea.

★ NAMATANAI DISTRIK SEVINS NA LONS SOSAIETI - i op gen. Ol i pasim pinis long 1978 taim sosaieti i sot long K17,000 (sevetin tausen kina). Taim ol i opim pinis ol i salim wanpela komiti bilong sosaieti i go raun lukim ol man i gat dinau. Ol bai askim ol man long bekim dinau nau tasol bai sosaieti i ken wok gen.

★ NUPELA HAUS BILONG NBC - Wewak bai kisim nupela haus bilong NBC. Ol i laik wokim nupela haus klostu long maket. Prais bilong haus i K350,000 (tri handet fifti tausen kina). Haus bai i pinis long Julai, 1980.

★ HELPIM OL MAN I NO GAT WOK - Minista bilong ol Wok na Wokman, Mista Tony Ila, i tok gavman bai givim K145,000 (wan handet foti faiv tausen) long helpim ol man i no gat wok insait long Morobe Provins. Ol Provinsal Gavman i wari tru nau long ol raskal pasin i kamap pinis long Lae Siti.

★ PNG GIVIM MANI - long Kiribati. Namba tu Prait Minista, Mista Ebia Olewale givim mani pinis long ol taim em i go lukim pestode bilong Independens bilong ol. Em i givim K50,000 (fifti tausen kina) long ol wansolwara bilong yumi.

Ol Draiva Maski Spit.

Dia Edita - Plis yu inap givim liklik spes long mi, na bai mi ken putim wari bilong mi insait long Wantok Niuspepa. Wari bilong mi i go olsem:

Bilong wanem tru, ol draiva i save spit tumas long ol liklik rot o rot bilong ol bas, na tu long ol haiwe rot. Mi bin lukim, na tu mi bin harim long NBC nius olsem plan-ti draiva i save spitim ka. Long dispela tasol, ol i kilim planti manmeri, pikinini, na ol animal olsem pik, dok na kakaruk long rot.

Mi laik toktok tu long ol draiva bilong PMV ka na ol transpot nabaut. Long taim tupela ka o trak i bam, ol draiva i save tok. O sori, brek i lus liklik, na draiva bilong narapela ka i save. O sori mi kam daun long maunten olsem na mi no inap long holim brek hariap.

Long taim ol i bamim ol ka, ol i save bagarapim tru ol ka. Na tu ol tarangu pasindia tu i save kisim nogut tru long taim ol i bam. Long dispela, mi sori tru long ol papa bilong PMV. Em long wanem ol i lusim bikipela mani tru long baim ka o trak, na tu ol bai i no gat inap mani long fiksik ka gen.

Tarangu ol papa bilong ka i save wari tru long ka bilong ol. Olsem na yupela ol draiva i no ken tingting long kisim mani tasol. Nogat. Yupela i mas tingting tu long draivim gut. Planti taim, yupela i save bagarapim ka, na bihain yupela i save lusim na i go draivim ka bilong narapela man gen.

Long taim yupela i draivim ka, yupela ol draiva i mas tingting long ol pasindia i sindaun long baksait. Sapos yupela i karim ol manmeri, yupela i mas draiv isi. Em i nogut long yupela i kilim olgeta pasindia.

Em long wanem, sapos sampela man o meri i dai, bai mi no save hamas tausen kina bai yu lusim long baim indai bilong ol. Ol brata o draiva, isi long ol ka, sapos yu laik soim save bilong yu long draiv tasol, lukaut gut. Nogut yu kauntim ol sta na hangamap long stia bilong ka.

Em tasol ol wantok, sapos yupela i belhat long dispela toktok bilong mi. Rait tasol i go long Wantok Niuspepa, orait mi ken ritim na lukim long Wantok. Tenkyu.

Peter Epekone,
Tari/S. H. P.

no. tru. Planti bilong mipela ol pipel bilong Pindiu i sapotim Memba bilong Finschhafen, Mista Zibang Zurenuo long Morobe Provins i mas bruk long tupela hap. Brukim long tupela hap olsem Is na Not Morobe.

Na tu Mista Singiliong i no raun long olgeta ples long Pindiu eria. Nogat. Em i go daun tasol long ples balus na harim maus bilong ol liklik lain tasol. Na bihain em i go na tok-tok long redio o nius.

Dispela ol toktok bilong Mista Singiliong i no tru. Mipela ol pipel bilong Pindiu i givim bikipela sapot long Mista Zurenuo. Morobe i mas bruk long tupela hap. Em long

wanem, i no gat haiwe rot, ol balus tasol na bisnis i pundaun. Na ol balus kampani i apim pe bilong skel o sata. Tasol Provinsal Gavman i no lukluk strong long hap bilong mipela long Pindiu, Kabwum na Finschhafen. Olsem na Morobe Provins i mas bruk.

Em tasol long liklik wari bilong mi. Yu husat wantok i laik sapotim mi, o yu belhat, orait, rait tasol i go long Wantok Niuspepa na bai mi amamas tasol long lukim.

Hezi Gumang,
Lae/Morobe Provins.

Maski Kolim Nem Hailans Tasol.

Dia Edita - Yes, mi gat liklik wari na mi laik autim long yupela. Wari bilong mi i go olsem.

Mi save lukim planti meri Simbu i save raun na kisim K2.00 long man long Lae. Na long Kimbe ol i save kisim K4.00, na long Rabaul ol i save kisim K5. Tasol long Kieta, ol man yet i save kisim ol meri wokabaut na salim ol-i go long ol man long kisim mani.

Mi lukim dispela pasin long ai bilong mi yet, na mi sem nogut tru. Em long wanem, mi wanpela boi bilong Hailans, na mi sem long harim na lukim ol manmeri bilong Hailans i raun long ol narapela provins na mekim pamuk pasin.

Dispela kain rabis pasin i save givim sem i go long mipela ol Hailans, Mipela ol pipel bilong Hailans i no save mekim dispela pasin nogut. Em ol Simbu tasol i mekim dispela rabis pasin. Sapos ol i laik mekim olsem, orait ol i mas go bek long as ples bilong ol long Simbu na wokim pamuk pasin.

Em tasol, na yu husat i laik bekim o sapotim mi, orait, rait tasol i go long Wantok Niuspepa na mi ken lukim. Tenk yu.

Pangari Pirai,
Arawa/N. S. P.

Apim Prais Bilong Botol.

Dia Edita - Olgeta taim mi save baim Wantok Niuspepa na mi save lukim wari bilong olgeta pipel na mi yet mi bin raitim 3-pela pas. Tasol wanpela mi lukim na tupela mi no lukim.

BAIM WANTOK

Sapos yu laik kisim Wantok niuspepa olgeta wik inap long wan yia stret, yu salim nem na adres bilong yu wantaim K8.00 i kam long:

WANTOK BOX 1982 BOROKO

Long go long Australia em i K14.00.

Long Yurop na Amerika: K18.20 (long sip)

K 24.00 (long balus)

Nau mi laik putim liklik wari bilong mi i go insait na yupela inap givim mi liklik spes plis?

Mi bin lukim planti manmeri na pikinini ol i save bungim botol long rot na long bus nabaut. Tasol farangu ol i save hatwok nating long bikipela san. Na karim ol botol i go long longwe rot i go long haus. Na sampela ol i salim tasol long ol stua.

Tasol tarangu ol i save salim botol tasol long 2t long wan wan botol. Em i no stret. Bikos tarangu ol i hatwok long bikipela san long bungim na tu ol i save karim i kam tasol ol i no kisim bikipela mani long en.

Tingting bilong mi em i olsem. Ol man ol ol kampani bilong wokim ol loliwara ol i mas skruim prais bilong ol emti botol i go antap long 4t long wanpela liklik botol na 5t long wanpela bikipela botol.

Ating long faktori ol i baim long 3t tasol em tu i no gutpela tumas. Bikos dring bilong olgeta loliwara em i 20t. Emti botol 2t na 3t ating. Em i nogut long dispela. Ating ol prais kontrol i mas lukluk gut long salim na baim na stretim olgeta samting i mas stret. Em bai i orait.

Em tasol liklik wari bilong mi. Tenk yu.

Robby Mano Mande,
Madang Provins.



Ol Memba Dring Bia Long Gavman Ka.

Dia Edita - Plis givim mi liklik spes na bai mi ken putim wari bilong mi long Wantok Niuspepa. Wari bilong mi i go olsem.

Planti samting mi lukim i no stret long mi. Ating ol memba i laik kamap bikman tru.

Sampela taim mi save lukim sampela memba long taim ol i kam bek long ples bilong ol, o provins bilong ol. Ol i save yusim ol ka bilong Gavman na dring long en. Em i no stret long ol memba i yusim ka bilong Gavman na go dring long hotel.

Ating ol memba i mas sem liklik, long wanem, ol i loman na ol ka i bilong helpim lek bilong ol. Ol memba inap long wokabaut long Chuave na i go long Kundiawa o nogat? Sapos yupela ol memba i bagarapim ka bilong Gavman long bia tasol. Bai mipela ol pipel i no inap long votim yupela long neks Palamen Ilekseen.

Em tasol long liklik wari bilong mi. Tenk yu.

Peter Mori,
Chuave/Simbu Provins.

Provins I Bruk.

Dia Edita - Inap long yu givim liklik spes long mi long bekim pas i kamap long Fraide, namba wan de long mun Jun, 1979.

Memba bilong Pindiu na Namba tu Premia, Mista M. Singiliong i bin toktok long olgeta pipel bilong em na tok. Ol i no laikim Morobe Provins bai i bruk long tupela hap olgeta.

Tasol dispela tingting bilong Mista Singiliong i



Miting bilong ol Premia

Martin Neilsen i raitim

Namba tu Kibung bilong ol Premia i bin kamap long Wewak. Kibung ya i stat long namba 2 de i go inap long namba 6 de bilong mun Julai.

Ol Premia i bin paitim sampela bikpela tingting. Ol i bin askim long moa pawa na mani i go long ol. Ol i toktok tu long pinisim lo na oda trabel.

Praim Minista, Mista Michael Somare i givim strongpela tok antap long ol Premia. Em i tok, ol i mas yusim gut pawa lo i givim long han bilong ol.

Moa Pawa Na Mani Long Provins.

Ol Premia i tok Nesanel Gavman i mas givim moa pawa i go long ol Provinsal Gavman. Ol i tok ol Provinsal Gavman i mas kon-

trolim Viles Ekonomik Dvelopmen Fan.

Ol i askim Nesanel Gavman tu long larim ol provins i kisim takis long mani i kam long pis, kopi, kakao, kopra ol pipel i salim. Ol i tok tu olsem ol Provinsal Gavman mas tokim Nesanel Gavman mas tokim Nesanel Gavman hamas mani ol i ken kisim long wan wan yia.

Ol Premia i askim tu olsem ol provinsal gavman i mas kisim pawa long bosim ol bod bilong lukautim graun (Len Bod). Bai ol i ken stretim kwik ol trabel

bilong graun insait long provins yet.

Wari Bilong Lo Na Oda

Wanpela bikpela toktok i kamap long kibung ya, em long Lo na Oda trabel. Olsem na ol Premia i tok ol i mas kisim moa pawa long kontrolim wok bilong Plis Fos insait long ol Provins.

Em long wanem, planti pait namel long ol lain i save kamap oltaim insait long sampela Provins. Premia bilong Simbu Provins, Mista Siwi Kurondo i

tok ol lida bilong ol lain i as bilong dispela trabel. Mista Kurondo i tok, long kisim ol lida bilong ol lain na givim ol bikpela mekim save. Sapos ol lida i go,


PROVINS NIUS



Sanap (L/R) – Clement Dana (Minista bilong Fainens, N.S.P.), Awap Rumint (Namba tu Premia, W.H.P.), Bato Bultin (Premia, Madang Prov.), John Kaputin, Edric Eupu (Premia, Oro Prov.), Rima Nau (Premia, C.P.), Tati Olewale (Premia, Flai)

Sanap namel (L/R) – Barnabas Kombil (Premia, Manus Prov.), Bernard Vogae (Premia, W.N.B.P.), Pama Anio (Interim Premia, Morobe Prov.), Koniel Alar (Premia, E.N.B.P.), Sir Pita Lus.

Sindaun long Pran, (L/R) – Robert Seeto (Premia, N.I.P.), Andrew Andaija (Premia, S.H.P.), Ope Oeake (Premia, Galp), Fr. Cherubim Dambui (Premia, E.S.P.), Michael Somare, Fr. John Momis, Jacob Talis (Premia, Sandaun o W.S.P.), Siwi Kurondo (Premia, Simbu Prov.), James Yanepa (Premia, E.H.P.), Don Kapi (Premia, Enga Prov.).



LUKIM MANI KAMAP BIKPELA

- Long Pas Buk Bilong Yu
- Long Mani Yu Putim Long Beng

Mipela was gut long moni bilong yu **Wales**



**Bank of New South Wales
(PNG) Ltd.**


BOROKO MOTORS

SAPOS YU GAT WOK-TINGIM FORD



**Tractors
Equipment**

Yu ken lukim nupela FORD TRAKTA long BOROKO MOTORS long olgeta hap bilong Papua Niugini. Na tu yu ken baim long Arawa Motors, na Sepik Engineers, na long Kimbe Bay Shipping, na Highlands Heneni Goroka, na Higatura Motors Popondetta.



**OL MEKENIK BILONG
MIPELA INAP FIKSIM
FORD
LONG OLGETA HAP**

Mipela i gat planti spea pat na mekenik.

Presiden Bilong Neses Asosiesen

Martin Nellsen i raitim

Nupela Presiden bilong Neses Asosiesen long Papua Niugini, Mis Jelilah Unia i tok, em i no bilip tumas long straik o stap wok.

Pastaim tru, Jelilah i bin go skul long Holy Name Haiskul long Milen Be Provins. As ples bilong em, em Eroro long Noten o Oro Provins. Na bihain long yia 1967, em i bin go mekim trening long kamap nes long Pot Mosbi Nesing Skul.

Long taim Jelilah i pinisim trening long yia 1970, em i bin stap wok long Bikpela Haus Sik long Mosbi yet. Na bihain em i bin go na wok long Dogura, Milen Be, long Sent Banabas Haus Sik.

Na long yia 1972, Jelilah i bin go long wampela nesing kos long Australia inap long wampela yia olgeta. Na long yia 1974, em i bin go na mekim narapela kos long Koles bilong Alaid Helt Saiens long Mosbi. Em i bin kisim dispela kos long kamap olsem wampela tisa bilong ol nes. Na taim kos i pinis, em i bin go bek long Dogura Haus Sik, bilong Engliken Sios, na stap tisa long hap.

Long yia 1977, Jelilah i bin go long Goroka Nesing Skul na stap tisa long hap. Na bihain long 1978, em i bin go long Mosbi na stap tisa long Nesing Skul.

Nau Jelilah i wok olsem Namba wan Opisa bilong Diploma long Skul Bilong ol Nes wantaim Helt Dipatmen. Em i wok bilong em long givim trening



Mis Jelilah Unia.

long ol pipel long kamap tisa bilong ol Nesing Skul long PNG.

Na long las wik ol nes insait long PNG i votim em pinis Presiden bilong ol PNG Neses Asosiesen i save wok long traim helpim na strongim

ol wok na sindaun bilong ol nes. Long dispela tasol, Jelilah i tok, em i egensim dispela straik o stap wok. Em i tok tu olsem, pastaim bai em i traim toktok wantaim Pablik Sevis Asosiesen na Pablik Sevis Komisi long wok bilong ol nes.

Jelilah i tok tu olsem, em i ting bai ol inap long stretim sampela wari o wok bilong ol nes. Em long wanem, nau olgeta pipel i save pait long traim kisim gutpela wok, kisim gutpela pe na kisim gutpela haus bilong slip.

Na tu Jelilah i tok, ol i mas traim na lukluk bek o sekim gen Konstitusen bilong ol nes.

PES BILONG OL MERI



Misis Margaret Thatcher, Namba wan meri Praim Minista long Englan.

Link take-up lever for perfect stitching.

Automatic bobbin winder.

Stitch length lever and reversing control.

Drop feed for darning and embroidery.

PREN BILONG YU INAP OLTAIM

KUKIM GUTPELA KAIKAI

KAUKAU WANTAIM MIT

Ol samting yu mas i gat:

- wampela tin mit
- 2-pela bikpela spun tomato sos driping
- wampela bikpela spun sis anian
- sampela kaukau yu kukim pinis

We long wokim:

Tanim kaukau wantaim mit na anian. Tanim tomato sos na sis wantaim mit na anian. Putim driping long praipan. Wokim liklik kek long kaukau yu tanim pinis wantaim olgeta samting. Praim long praipan.

**Air Niugini
helpim go het
bilong
Kantri**



**FAST
COMMUNICATION**

AIR NIUGINI 

OL PAS

go long Wantok Niuspepa. Wari bilong mi i go olsem:



Mi save go long lukim pilai long Gavman kompaun long Lae. Na mi save lukim planti mamapapa na bratasusa ol i save sindaun lukluk long pilai soka. Na tarangu ol i save baim 40t tiket na ol save go sindaun lukluk long ol man pilai.

Ol i save amamas na singaut long ol man kikim o pilai soka. Tasol wanpela samting tasol i no stret. Em long ples bilong sindaun tasol i no stret. Na tu ples bilong san na tarangu ol papamama na bratasusa save bagarap stret. San

Ples Bilong Sindaun Nogut.

Dia Edita - Yu inap givim mi liklik hap spes na mi putim wari bilong mi i

save kukim ol nogut tru. Na ol save kros liklik sampela taim.

Planti manmeri pikinini ol save go lukim pilai ragbi na ol save sindaun hait long liklik ol haus na ol save amamas tru. Na soka graun bilong yumi tasol san i save bagarapim ol manmeri. Tarangu ol save amamas long lukim pilai tasol no gat ples bilong sindaun hait na lukim pilai soka.

Olsem na ol bikman bilong Soka Asosiesen ol i mas traim long stretim soka graun bilong yumi long Lae. Bai ol papamama

na bratasusa bai ol amamas tru long baim 40t tiket na go insait long lukim pilai soka.

Em tasol, yu husat yu laik sapotim mi, orait, rait tasol long Wantok Niuspepa na bai mi lukim. Tenk yu.

Daniel Salmat,
Is Sepik Provins.

Ol Posin Man.

Dia Edita - Inap yu givim liklik spes na mi putim sampela wari bilong mi i go insait long Wantok Niuspepa. Wari bilong mi i go olsem:

Mi wari tru ol wantok bilong mi long Lelefiru Viles long Galp Provins. Ol man long dispela ples ol i holim posin bilong bagarapim laip bilong manmeri na pikinini. Ol i save mekim pasin nogut, na bikipela sin tru long ai bilong papa God.

Sapos yu smok, kaikai o tromoi sampela hap samting bilong yu, ol posin man i save kisim na wokim posin long en. Na manmeri na pikinini i save lusim laip long graun. Olsem na planti manmeri ol i save pret tru, na ol i no save i go long as ples bilong ol.

Mi painim ol wantok hia long Enga na mi stap. Tasol i gat planti wantok i wok long ol arapela provins. Ol wantok ya ol i save istap wok long dispela ol provins i no save tingting long go long as ples bilong ol long dispela tasol.

Em tasol liklik hap wari bilong mi.

Measiri Karu,
Enga Provins.

Yumi Mas Istap Isi Long Narapela Taun.

Dia Edita - yu inap putim dispela wari bilong mi i go insait long Wantok Nius na sampela brata i ken ritim na harim plis?

Wari bilong mi i go olsem: Yumi olgeta man bilong narapela provins i kam i stap hia long Not Solomons Provins, yumi

no kam bilong kosim trabel. Na kilim man nabaut olsem yu save kilim pik long ples bilong yu. Nogat. Yumi kam hia long wok mani bilong yumi. Yu mas istap isi long wok mani tasol.

Sampela lain tasol i save kosim trabel long taun. Na ol bikman i save sutim tok nating i go long mipela. Na mi save sem nogut tru. Sapos yu husat man bilong Hailans olsem, Sauten Hailans, Simbu, Isten Hailans, Enga o sampela provins tu, yu mas tingting. Sapos yu wokim kain trabel olsem yu mas sem na lusim kain pasin bilong yu.

Yu husat i gat toktok long dispela wari bilong mi, orait, sutim pas i go long Wantok Nius na mi ken lukim. Tenk yu.

Jackson Kamur,
Arawa/N. S. P.

Mas Stapim Bia Gen.


Dia Edita - Inap yu givim liklik spes na mi putim wari bilong mi i go insait long Wantok Niuspepa plis?

Wari bilong mi i go olsem: Hailans em i ples bilong pait na kaikai nupela man. Olsem na bilong wanem ol i opim bia gen.

Taim ol kampani i pasim bia ol Hailans man ol i no pait o man i no dai long rot nabaut. Nogat. Liklik taim tasol ol i opim bia na kwiktaim ol man i pait long olgeta hap long Hailans. Na man i dai long rot nabaut. Inap long yupela stapim bia gen plis?

Em tasol wari bilong mi. Sapos yu husat man o meri i laik sapotim mi, orait, rait tasol i go long Wantok Nius na mi ken lukim. Tenk yu.

James Pu Karua,
Mt. Hagen/W. H. P.



COCA-COLA AND COKE ARE REGISTERED TRADEMARKS WHICH IDENTIFY THE SAME PRODUCT OF THE COCA-COLA COMPANY

HRME 015 6365

Salin ol pas
i kam long

WANTOK
BOX 1982
BOROKO

Pasin Bilong Hangamapim Man

Ben Skorpio i raitim.

Long yia 1890, ol i hangamapim man namba wan taim tru long PNG. Ol i hangamapim tupela man olgeta. Ol i hangamapim wanpela long Mosbi Taun na narapela long Rigo. Long taim ol i hangamapim tupela man ya, planti pipel i lukim na pret na ol i no mekim kain rong olsem moa.


Long yia 1914, ol i hangamapim wanpela man husat i plisman bipo long Koki Haus Kalabus. Long dispela taim, ol i sutim tok long em olsem, em i kilim indai tupela man. Tupela man ya i bin i stap wok olsem wailes boi long wanpela kopa kampani.

Long dispela moning long taim, ol i hangamapim man ya, planti blak manmeri na waitman i kam na lukim em i hangamap. Planti famili bilong dispela man i lukim na kra i nogut tru long dispela taim.

Na long yia 1906, ol i hangamapim wanpela man bilong Koitabu, long Konedobu long Mosbi. Ol i hangamapim man ya long wanem, em i kilim indai wanpela bisnisman bilong Australia long Mosbi. Olsem na long dispela taim, sapos wanpela man i mekim pasin nogut long wanpela waitskin meri o man, man i mas i go long kot.

Long dispela tasol, long yia 1935, ol i hangamapim Saiden bilong Plis Fos ol i kolim Armed Native Constabulary. Kot i painimaut olsem, Saiden ya i bin mekim rong long wokim pasin nogut long wanpela waitskin meri. Na tu long dispela taim, loman bilong helpim Saiden long kot i go long Australia, olsem na ol i hangamapim em.

Planti pipel i ting, Saiden ya i no bin mekim bikpela rong. Tasol kot i tok em i mas dai. Olsem na ol i hangamapim em long yia 1935 long Koki.



Long taim bipo, ol i hangamapim planti man long PNG, tasol ol i no raitim insait long buk, olsem na bai yumi i no inap long save.

Long yia 1957, ol i bin hangamapim wanpela man bilong Hailans long Lae. Em long wanem, em i bin kilim indai narapela man. Na tu long Wol Woa 2 long yia 1942, ol ami i hangamapim planti man bilong PNG. Em long wanem, ol i helpim ol soldia bilong Japan. Na ol Japan tu i hangamapim sampela man long dispela taim.

Long kibung bilong Palamen long mun Me, Memba bilong Milen Be, Sir John Guise i bin autim dispela tok. Em i tok, Gavman i mas bringim bek pasin o lo bilong hangamapim o sutim, em sapos ol i kilim narapela man.

Sir John Guise i ting olsem. Sapos ol i hangamapim man, bai ol pasin bilong kilim indai narapela man i pinis olgeta long kantri.

Bipo tru, dispela lo bilong hangamapim man i stap long Lo Buk. Tasol long yia 1971, Palamen i bin holim vot na rausim dispela lo.

Tasol Sir John Guise bai i putim kamap dispela mosen gen long Palamen

miting long mun Ogas. Olsem na em i givim planti taim long ol pipel long tingting gut long dispela samting.

Long taim, Sir John Guise i autim dispela tingting long Palamen, planti ol Memba i bin paitim han na singaut. Tasol planti ol narapela man i no bin amamas tumas long dispela tingting bilong em.

Minista bilong Dipatmen bilong Lo na Kot, Misis Nahau Rooney i tok, em bai vot egens long dispela mosen. Em long wanem, em i ting dispela lo o pasin bilong hangamapim man i no gutpela samting long PNG.

Minista bilong Praimer Industri, Mista Roy Evara i tok, sapos yumi hangamapim man. Bai dispela pasin o lo i no inap long stapim wari bilong lo na oda long dispela kantri. Mista Evara tu i singautim ol lida bi-



Mista Okuk i tok tu olsem, dispela lo bilong hangamapim man i no nupela lo long PNG. Nogat. Bipo tru, taim ol waitman i kamap nupela long PNG, ol i save hangamapim man long taim ol pipel i mekim bikpela rong. Em sapos ol man i kilim indai narapela man, ol i save hangamapim ol.

Ol i mekim olsem long pretim ol pipel, bai ol i no ken kilim indai narapela man moa. Tasol nau dispela pasin bilong kilim indai narapela man i wok long go het yet.


Long arapela kantri long graun i gat kain kain we bilong mekim save long ol man i save kilim indai narapela man o mekim pasin nogut.

Long Englan, i kam inap long yia 1964 ol i bin gat lo bilong hangamapim man husat i kilim indai narapela man.

Planti man i bin hangamap tasol dispela kain pasin bilong kilim indai man i wok long kamap yet. Ol i gat man i save tru long dispela kain wok bilong hangamapim man.

Wanpela famili i wok long wokim dispela wok stat long yia 1901 i kam inap long yia 1956. Dispela famili ya ol i kolim long Pierrepoint. Wanpela man bilong lain Pierrepoint, Albert i raitim wanpela buk pinis.


Albert i rait long buk bilong em olsem: "Mi painim aut olsem lo bilong hangamapim man i no inap mekim narapela man i pret long kilim narapela man. Dispela pasin bilong hangamapim man em i pasin bilong bekim indai bilong narapela man. Em pasin ol tumbuna bilong mipela long Englan i wok long mekim. Pasin bilong hangamapim man i bringim tasol pasin bilong kilim indai narapela man olsem dinau."



Mista Iambakey Okuk, antap



Raithan, Misis Nahau Rooney




Daunbilo Dr. John Guise.

MISTA TOKSAVE LONG.. OL STON BILONG SAPIM SAMTING NA KAINKAIN OL SANPEPA



Lesen 16




I gat tupela kain sanpepa. Waitpela em i bilong failim diwai o rausim pen long em. Blakpela sanpepa em i bilong failim ain samting.

I gat narapela kain sanpepa yu ken putim wara long en. Yumi save yusim bilong failim pen, na rausim ol liklik buk bilong en. Sapos yu putim wara long dispela kain sanpepa, bai pen i no ken hangamap long sanpepa na karamapim olgeta tit bilong en.

Wel i stap long sapston i gat wok long tekewe olgeta liklik hap ain yu bin failim pinis long sapston.

Ian Donald i raitim.



Namba wan ston bilong sapim ol sisel na hobel na plen, em i dispela i gat wel long en. Dispela em i wanpela stretpela sapston, i no raunpela olsem wij. Na em i no save tantanim. Nogat. Dispela ston i mas slip insait long wanpela liklik bet o bokis bilong em yet. Bai em i ken anka gut na yu ken sapim naip o sisel isi. Yu pulim sisel i go i kam tasol.

Dispela sapston i gat wel, em i gat tupela kain sait bilong em. Wanpela i gat bikpela weson long en, na narapela i gat smolpela weson. Pastaim yu sapim samting long bikpela weson, bihain yu tanim sapston na yu sapim samting long smolpela weson, bai em i kamap sap olsem kaparesa stret.


Lukaut bai yu no yusim namel bilong sapston tasol. Nogut em i gat baret long en. Sapos yu sapim poketnaip bilong yu, orait, yu failim long arere bilong ston na i no long namel bilong em.

ples long baim boamasin na boa.




MACHINERY NA HARDWARE

Steamships i gat boamasin na olgeta sais boa. Nem bilong em Stanley — emi gutpela na em i strong. Emi no save bruk na boa i save stap sap longpela taim. I gutpela sapos you tok tok long stoaman long Steamships — i gat save moa.



Nem bilong dispela boamasin na boa STANLEY baim long Steamships.

PORT MORESBY . GOROKA . LAE . KEITA . MADANG . POPONDETTA . RABAU . KUNDIAWA . MT HAGEN . SAMARAI . VANIMO



Prais bilong salim

SKIN PUKPUK

long balus i daun nau

BRINGIM SKIN PUKPUK I GO TASOL LONG WARD'S AIR KARGO LONG BIKTAUN KLOSTU NA OL YET BAI SALIM I KAM KWIKTAIM LONG MORESBY

BRINGIM LONG

Tata Ilovua
Bob Crowe
Ernie Dawes
Rima Gavera
Bill Jacobs

PLES

Madang
Wewak
Lae
Rabaul
Kieta

OLPELA PRAIS

61 toea
92 toea
41 toea
88 toea
K1.08

NUPELA PRAIS

31 toea
46 toea
21 toea
44 toea
54 toea


Salim nem bilong yu wantaim adres, na tok save long mipela, yu laik mipela i salim pe i kam long yu long TT o long sek. Sapos i long TT, orait, yu tokim mipela long nem na ples bilong beng bilong yu.

Adres bilong kampani: Central Pacific Import/Export - P.O. Box 6699, Boroko. Tel. 21-1623 na 21.1635


Pe bilong mipela bai kamap hariap long han bilong yu. Sapos beng bilong yu i gat TT dipatmen, orait, mipela bai salim pe i go stret long beng, na em bai kamap long pasbuk bilong yu insait long 2-pela de. Sapos mipela i salim sek i kam long yu, em i mas kamap insait long 10-pela de.

PINE-O-CLEEN


Rausim ol jerm long haus bilong yu



Jerm i save kamap long olgeta hap. As ples tru bilong em haus kuk



Ol barek na hul inap kamapim sik. Kapsartim liklik Pine o Klin bai yu mekim save long ol jerm.



Ol toilet tu yu ken klinim long Pine o Klin. Kapsartim liklik long toilet na loim stap



Jerm i stap long olgeta ples doti. Klinim haus long Pine o Klin. Klinim plua long haus kuk ga toilet long Pine o Klin. Putim Pine o Klin long baket wara na klinim plua Pine o Klin i save kilim indai ol kain kain jerm long haus



Yu ken kisim long olgeta bikipela stua na tred stua

Namba Wan Lain PNG Sista

Frank Mihalic i raitim

Ol F.M.I. Sista bilong hap bilong Rabaul ol i namba wan lain Katolik Sista tru long Papua Niugini. Ol i namba wan bikos ol i bin stat long yia 1912 yet. Na ol i namba wan bikos ol i winim olgeta arapela lain lokal Katolik Sista, long wanem ol i gat 113 memba. Namba-wan Sista tru bilong PNG, em Sista Veronika, F.M.I. Em i bin kamap Sista long yia 1913.

Long mun Januari ol dispela F.M.I. Sista i gat wan-pela bikpela kibung na long dispela taim ol i bin makim Sista Mary Paula Mauwoko olsem namba wan lokal het-sista bilong bosim ol.

Sista Mary Paula em i wanpela Tolai meri i gat 48 krismas na i kam long ples Ramalmal. Taim Sista i gat 18 krismas em i bin go long hetkota bilong Katolik Misin long hap bilong Rabaul, em long Vunapope. Em i laik joinim dispela lain Sista. Em long de namba 3 bilong Januari long yia 1947.

Long yia 1949 em i mekim promis Sista bilong em na em i stat long tis. Em i tis long Valovalu na Malmal. Bihain em i go long tisa trening long Vunapope. Nau dispela skul i stap-long Kabaleo.

Planti taim Sista Mary Paula i mekim wok olsem mama bilong famili bilong ol Sista. Sampela taim em i wok long helpim stiaim ol nupela Sista i kama i laik joinim ol Sista. Dispela em i bin mekim long ples Takabur. Inap 7-pela yia tu em i lukaut long bikpela lain Sista long Vunapope. Na em i mekim wankain wok long lukautim ol F.M.I. Sista i skul long Goroka Tisa Koles.

Tude i gat 113 F.M.I. Sista na ol i save kam long ol ailan tasol - long Nu Briten na Nu Ailan na Manus. Tude 9-pela i mekim wok nes na 20 i tisa long ol haikul na komyuniti skul na voke-senel skul. Ol arapela i mekim sosol welfe wok. Na bihain bai ol i mekim moa dispela kain wok bilong helpim ol ples na stesin i no gat pasto o pris bilong ol.

Namba wan bisop bilong Niugini, em Bisop Louis Coupepe, i bin statim lain F.M.I. Sista long yia 1912. Dispela tripela leta F.M.I. i sotpela tok i min:

Ol pikinini meri bilong Santu Maria. Long namba wan lain Sista, 4-pela i Tolai meri na 2-pela i kam long Manus. Sista Gerarda, O.L.S.H., i mama bilong ol inap planti yia moa.

Pastaim bisop i painim planti trabel long bungim ol Tolai meri na trenim ol olsem Sista. Ol papamama i no laik, long wanem, sapos ol yangpela meri i go long banis Sista - i no gat mani i kamap long ol, long wanem ol i no marit. Ol papamama i strong long bisop i mas baim ol meri - olsem man i laik maritim ol, em i mas baim. Tasol bisop i no laik na i tok: ol yangpela meri ya ol i olsem presen bilong famili na bilong ples i go long God. Na God i no ken baim meri - em yet i bin givim ol long famili na long ples.

Long taim bilong pait ol Japan i bosim tru ol hap bilong Rabaul na ol i kalabusim ol waitskin



Hetmeri bilong ol F.M.I. Sista.

misinari long Ramale. Bisop Leo Scharmach long dispela taim i tokim ol F.M.I. Sista long putim gen klos bilong meri nating misinari long Ramale. Bisop Leo Scharmach long

dispela taim i tokim ol F.M.I. Sista long putim gen klos bilong meri nating na go bek sindaun long ples inap pait i pinis. Tasol ol i no laik. Ol i wok long painim kaikai na karim olgeta de i go na givim

LOTU NIUS



long ol pris na brata na sista i stap kalabus long Ramale. Planti taim ol i painim taim nogu long han bilong ol soldia.

Long yia 1928 sik tibi i go insait long lain F.M.I. Sista na ol i no save long en. Pastaim ol i ting em malaria tasol. Dispela sik tibi i save kalap isi tumas long ol manmeri i klostu long sikman i gat tibi. Insait long 10-pela yia samting olsem 22 F.M.I. i bin dai long tibi. Tasol bihain ol i stretim dispela wari na ol samting i ran gut.

Ol F.M.I. Sista i gat planti meri bilong ples i laik joinim ol. Tasol hia long hap bilong Rabaul ol papamama i gat wanpela wari yet. Long ol arapela hap bilong PNG, lain bilong i save kisim ol graun samting, taim papa i dai. Long hap bilong Rabaul ol graun ya i bihainim lain bilong meri. Tasol sapos meri i Sista pinis, bai dispela graun samting i go long husat?



Ol F.M.I. sista long Vunapope.

Sem long toktok wantaim meri

Dia Laiplain,

Taim mi go long skul yet, long dispela skul i gat tambu long mipela ol boi i toktok wantaim ol meri. Na ol meri tu i tambu long toktok wantaim mipela ol boi. Nau dispela kain tambu i karamapim mi na pren meri bilong mi.

Mitupela i wok long wanpela kampani tasol. Tasol mitupela i painim hat long sanap toktok wantaim. Mitupela i sem na i pret. Sampela taim mitupela i save toktok long telipon, tasol i gat lo long kampani mipela i tambu long yusim telipon long toktok wantaim ol pren.

Olsem wanem na mitupela inap skul long toktok wantaim mitupela, na mitupela i no ken sem long dispela samting?

Dia Pren,

I tru sampela skul i gat bikipela tambu long ol boi

na ol meri i no ken toktok wantaim. Na kain pasin olsem inap long mekim yu na meri ya i sem long toktok wantaim nau. Tasol yutupela yet i no save sem tru long toktok wantaim - long wanem yutupela i amamas moa long toktok long telipon. Ating yutupela i sem tasol sapos ol arapela pipel i lukim yutupela i toktok. Em tasol. Na sapos yu na meri i sem long toktok wantaim, em tu i pasin bilong boi na meri. Bihain bai yutupela i save gut long yutupela, bai i no gat sem moa.

Namba wan pasin bilong winim wari bilong yu em hia: yutupela i mas painim wanpela ples we i no gat man, na yutupela tasol i ken sindaun toktok na ol arapela pipel i no ken lukim yutupela. Tasol sampela taim meri i pret sapos yu laik bringim em i go long kain ples olsem. Em bai pret yu laik mekim samting nogut long em.

Narapela we em i long yutupela i go sanap toktok

long wanpela ples i pulap tru long pipel. Olsem long wanpela bikipela stua, o wanpela ples kaikai Yutupela i ken pasim tok long go long dispela hap long taim bilong painim kaikai long belo. Yutupela i kaikai na toktok liklik . . na isi isi bai yutupela i no sem long ol arapela pipel i lukim yutupela na yutupela i no sem sapos ol manmeri nating i lukim.

Ating yu bikipela pinis nau na yu mas senisim sampela aidia i save pas gut long ol skulmanki. Olsem wanem? Yu ting em i rong tru long toktok nating wantaim wanpela meri? Ating tisa bilong yu tu i no ting olsem. Ol i bin mekim tambu long skul bikos ol i gat strongpela Kristen bilip i tok: boi na meri i no ken pilai na slip wantaim sapos tupela i no marit yet Olsem na ol i wari long dispela na i mekim tambu. Na long planti ples bilong Papua Niugini ol tumbuna tu i holim dispela wankain tambu tasol

Long Kristen kantri dispela tambu long mekim maritpasin, em i no min ol boi na meri i tambu long toktok wantaim. Nogat. Tasol hia long PNG i gat sampela ples we i tambu long meri i toktok wantaim wanpela boi, sapos em i no wanfamili o wanpisin bilong em.

Sapos dispela pasin bilong ples i as bilong wari bilong yu, orait, mobeta papamama bilong i stretim tok wantaim papamama bilong meri. Orait, bai olgeta pipel long ples i ken save papamama i bin makim dispela meri long yu, na bai yu no sem moa long toktok na wokabaut wantaim em.

Yutupela i no skulmanki moa. Yutupela i bikipela manmeri. Ol lo bilong skul i pinis nau long laip bilong yutupela. Ol bikipela manmeri i no painim samting i rong sapos boi i toktok nating wantaim meri. Na sapos ol i kirap toktok long yutupela i pren o kain



tok olsem, maski, 'm i samting nating. Yutupela i mas mekim gutpela pasin long ai bilong ol pipel, na yutupela i no ken wari, na yutupela i no ken sem.

Toktok wantaim meri em i no rong. Yu mas bilipim tru dispela tok. Na yu mas stat long tingting olsem: maski long toktok bilong ol pipel. Mitupela i no mekim rong. Sanap olsem bikipela man na meri tru. Na gut lak long yutupela.

Mi Laiplain.

NABOMA AGENCIES



PTY. LTD.,
P. O. BOX 198, WEWAK


**LICENCED
CUSTOMS
AGENT**

**FOR EAST
AND WEST SEPIK PROVINCE**

For All
Customs Clearance
Shipping
&
Air Freight

PHONE 862206, A/H 862267

"OUR AIM IS TO GIVE SERVICE"



Ol lain hia i wokim gaden bilong ol long taun. Planti man i gat laik long wokim gade tasol i no gat graun. Tupela meri bilong Hangenofi wantaim pikinini i wokim gaden bilong ol. Ol i wokim namel stret long rot.

OL PAS



em i bin wokim ples balus long Olsobip. Na bihain gen long 1977 em i bin grisim mipela ol Faiwolmin bilong Olsobip long votim em.

Mipela olgeta manmeri bilong Faiwolmin mipela pasim tok long votim em. Bilong wanem mipela harim em i tok olsem, sapos mipela i votim em bai em i givim helpim long mipela. Olsem na mipela votim em.

Tasol nau 2½ yia i go pinis nau na em i no helpim mipela ol Faiwolmin bilong het Flai wara bilong Olsobip liklik. Olsem na ol bikpela man bilong dispela hap ol i kros yet na tu ol i laik bruk i go joinim Telefomin Distrik.

Bilong wanem, Westen Provins i no givim helpim gut long pipel bilong Olsobip/ Westen Provins.

bip viles. Bipo ol i opim dispela ples balus em i stesin. Tasol nau i no olsem stesin, bilong wanem, mi no lukim wanpela senis i kamap liklik long Olsobip Patrol pos. Long dispela as tasol ol pipel i laik bruk long Westen Provins na i go joinim Telefomin Distrik.

Tasol dispela waitman, Mista Warren Dutton em sanap long helpim Not Flai olsem Normad, Lake Murray, Kiunga, Atkamba, Nengarum, Olsobip na tu sampela patrol pos. Tasol dispela man i no pait long mipela liklik tu. Nogat tru.

Na mi bin lukim ol pipel bilong mi i stap olsem wel abus na nau mi laik autim dispela wari. Sapos yu husat Minista bilong Westen Provins i laik skruim hap tok o kros long mi, orait, rait tasol i go long Wantok Niuspepa bai mi ken lukim. Tenkyu.

L. Sanameng,
Olsobip/ Westen Provins.

PNG Gavman Painim Saveman.

Dia Edita - Mi laik autim liklik wari bilong mi. Mi save harim planti taim ol Nesanel Gavman i save toktok long waitman long narapela kantri i kam wok long PNG.

Wok bilong ol olsem ensinia, na ol i saveman tru long wokim ol samting bilong ka, balus, na pawa. Insait long ol waitman, sampela bilong ol i save winim 15, 20 o 25 yia olgeta long wokim dispela wok.

Tasol sapos ol i mekim wanpela liklik tabel, orait ol Minista o Prait Minista na Oposisen Lida nabaut ol bai wokim pepa bilong ol long rausim dispela waitman kwiktai.

Insait long wan o 2-pela wik, ol i rausim dispela man long wok bilong em. Taim ol rausim dispela man long wok bilong em, insait long 3-pela wik ol PNG Gavman i save painim ol man i save tru long dispela kain wok. Ol painim painim i go no gat tru. Nau ol i kisim wanpela man i no save gut long dispela kain wok.

Na dispela man em wokim wok em save long en tasol. Na sampela samting em i no save em i lusim. Mekim olsem i go i go na wok bilong ol i bruk daun. Na bihain PNG Gavman i save askim sampela kantri gen long kam wokim dispela wok ken.

Mi yet mi tingting olsem, wanpela waitman ol rausim long dispela wok. Orait ol Minista o Oposisen Lida nabaut ol yet i mas senisim ol. Na mekim wok olsem ensinia o wokim ol samting bilong ol masin. Maski ol sindaun tasol long gutpela sia na toktok kwik tasol long rausim ol saveman.

Mi save yupela strong. Na as bilong wok yupela i no save. Dispela pasin mi save bikos long ples we mi.

wok i gat olsem. Taim ol taim ol rausim wanpela waitman na ol kisim wanpela PNG man yet na dispela man em no wokim 3-3-pela autoclave masin inap long wan yia 6 mun olgeta.

Em tasol kros bilong mi i go long PNG Gavman tasol. Husat man o meri laik sapotim mi o egensim mi, orait, rait tasol i go long Wantok Niuspepa bai mi ken lukim. Tenk yu.

Marton Manoba,
Port Moresby.

Lusim Tingting Long Ol Olsobip.

Dia Edita - Mi gat bikpela wari bilong mi. Plis inap yupela givim liklik spes long mi long autim wari bilong mi long Wantok Niuspepa. Wari bilong mi i go olsem:

Bipo long 1964-1966, Mista Warren Dutton, Memba bilong Not Flai,



ILEKTORAL KOMISIN

Toksave I Kam Long Morobe Provinsal Komisinal Bilong Makim Ol Iektoret.

Toksave i go long ol pipel. Mipela i putim pinis ol mak bilong Provinsal Ileksen. Husat i gat tok o i laik bai wanpela mak i senis, em i ken salim tok bilong em i kam long mipela. Yu ken salim tok namel long 3 Julai inap long 3 Septemba, 4:06 long apinun 1979.

Yu mas salim ol pas i kam long:

The Chairman,
c/-Provincial Boundries Commission,
P. O. Box 572,
LAE. Morobe Province.

Komiti bilong bosim wok bilong putim mak, bai skelim olgeta toktok i kamap long ol. Husat ol man o grup i salim pas i kam long ol komiti i mas tok klia long ol wari bilong ol. Ol i mas tok klia tu long laik bilong ol long senisim mak.

Yu Ken Kisim Buk:

Wanpela buk, "Ol mak ol i laik putim long Morobe Provinsal Gavman" i stap long olgeta Distrik, Sab Distrik na Lokal Gavman Opis. Sapos yu laik, yu ken kam kisim wanpela. No gat pe bilong dispela buk.

BAIM WANTOK

Sapos yu laik kisim Wantok niuspepa olgeta wik inap long wan yia stret, yu salim nem na adres bilong yu wantaim K8.00 i kam long:

WANTOK BOX 1982 BOROKO

Long go long Australia em i K14.00.

Long Yurop na Amerika: K18.20 (long sip)

K 24.00 (long balus)



THE INDEPENDENT STATE OF PAPUA NEW GUINEA.

Toksave Bilong Pot Mosbi Siti Kaunsil Wod 3 By -Ileksen, 1979.

Toksave i go long ol pipel husat i stap long Wod 3 Eria bilong Port Moresby Siti Kaunsil. Wok bilong putim nem long resis long ileksen bilong Wod 3 By-Ileksen bai i pas long 4 klok apinun, long 6 Julai, 1979. Ol nem i stap daunbilo em ol man husat bai i resis long sia bilong Wod 3 kaunsila. Ol nem bai i stap olsem tasol long Pepa Bilong Vot ol i kolim Balot Pepa.

1. Kenosi N. Nenema
2. Pidi Monise
3. Vincent Lelesi
4. Frank Griffin
5. Koraea Kapela
6. Allan Bera
7. Arua Au
8. Timothy Vele Raulia
9. Henao Kwarara

PIKININI PRETIM PAPA

Bipo bipo tru, i-gat wanpela man i stap na em i gat wanpela pikinini. Long taim papa bilong em i laik go long wanpela hap, pikinini bilong em tu i

mas bihainim papa oltaim. Maski sapos long de o nait pikinini i mas bihainim em yet.



Na long wanpela taim long nait, tupela wantaim i stap insait long hausman, na i gat gutpela mun tru i kamap long dispela taim. Olsem na long dispela taim papa i tingting long go painim kapul long bus, olsem na papa i kisim pikinini i go long bet.



Papa i ting pikinini i slip pinis, tasol no gat pikinini i no slip tru. Nau papa i kirap isi tasol na em i go ausait. Bihain nau pikinini bilong em i kirap na lukim papa bilong em i pas, olsem na pikinini i kirap na bihainim em i go.

long em i go daun kwik, na em i go long diwai. Papa i kam na bungim pikinini bilong em long namel nau na tupela wantaim i go daun long diwai. Long taim papa i sanap long graun em i no wet. Nogat. Papa i ran i go pas, na pikinini gen i ran bihainim papa bilong em i go long hausman.

Papa i no tingting long lukluk long bihain, olsem na pikinini bilong em i bihainim yet i go. Tasol pikinini i no toktok long papa, bikos em i pret long em. Nau tupela i go kamap long bikbus tru. Nau papa i lukluk i go antap long wanpela diwai na lukim wanpela kapul i sindaun antap long han bilong diwai i stap.

Long taim papa i kamap i sut tasol i go long bet, na pikinini tu i mekim olsem. Liklik taim bihain nau, papa i tok, man dewel i raunim mi kranki olgeta. Tasol sampela man i tok, nogat, em yu ran wantaim pikinini bilong yu. Olsem na papa i belhat na tok, em i no pikinini bilong narapela man. Nogat. Em i pikinini bilong mi yet, olsem na mi mas kilim em i dai.

Nau papa i go antap long dispela diwai, taim em i harim liklik nais i kamap, olsem na em i lukluk i go daun long diwai em i lukim wanpela man i kam antap i stap.

Long taim papa i laik kilim pikinini bilong em, ol man bilong ples i kirap na brukim pait bilong papa na pikinini. Em tasol.

Man, papa i pret nogut tru, tasol pikinini i no toktok long papa. Nogat. Papa i pret nogut tru nau em i tromoi spia na banara bi-

Dominik Andana,
Kewanigle/Viles, Simbu P.

TAMBU TORO



Sande Lotu

Frank Mihalic i raitim

SANDE NAMBA 17 BILONG YIA

29 Julai, 1979 – Jon 6: 1 – 15

Dispela em i stori bilong Jisas i wokim mirakel. Em i kisim 5-pela bret na i tilim i go long 5,000 pipel. Ol i lukim olsem na ol i ting. Olaboi! Dispela man i mas stap king bilong mipela, bai mipela i no sot long wampela samting. Tasol Jisas i save long dispela tingting bilong ol na em i lusim ol na i go hait long ples maunten.

Watpo Jisas i mekim olsem? Bikos em i no namba wan wok bilong em long wokim mirakel na givim kaikai long ol man. Wok bilong em i olsem: em i mas autim tok bilong God. Yes, em i wokim mirakel tu, em i oraitim ol sikman, em i kirapim sampela daiman. Tasol em i namba tu samting. Namba wan, em i bilong skulim ol pipel long God na long tok bilong God.

Wok bilong ol sios em i wankain tasol. Long bigin ol kain kain misin i kam insait long Papua Niugini na ol i bringim olkain nupela samting na pasin. Ol misin yet i go pas long wokim skul na haus sik na klinik. Na long planti ples ol i go pas long wokim plantesin bilong givim wok long ol pipel. Planti planti bikpela man bilong gavman tude i kisim namba wan skul long ol misin tasol: misin tisa i putim pensil long han bilong ol namba wan taim.

Tasol ol dispela kain wok i namba tu samting tasol. Namba wan wok tru bilong ol misin na bilong ol sios em i bilong bringim save na tok bilong God. Sapos sampela sios i insait tumas long wok bisnis o wok skul o wok marasin, ol i popaia. Ol i lusim mak. Na ol i no ken kirap nogut long lukim gavman nau i bosim ol wok skul na wok marasin na i laik kisim olgeta plantesin. Sapos i olsem, orait, nau ol sios na ol misin i ken, na i mas mekim tru namba wan wok bilong ol – em long autim tok bilong God.

Olgeta sios sapos i save skulim ol pipel olsem Jisas i bin tok: "Yupela i lukaut pastaim long painim kingdom bilong God na yupela wari long dispela samting" Ol misin tu i mas mekim olsem. Na ol pipel i kam bung wantaim ol misin, ol i mas ting olsem tu.

Long bigin i gat planti pipel i bin bung wantaim misin bikos ol i lukim ol nupela samting i kamap na ol i ting olsem: sapos mipela i insait wantaim misin, bai mipela tu i kisim ol dispela kago. Tude yet i gat planti kain Kristen olsem. Ol i ting olsem: misin i mas helpim mipela, misin i mas wokim skul, misin i mas karim mipela nating long trak bilong em, misin i mas wokim klinik na haus sik.

Bipo, yes. Em i mekim bikos yu no inap. Nau yu inap. Olsem na misin i surik bek long ol dispela kain samting. Em i no lusim yu. Nogat. Em i go nau long mekim namba wan wok tru bilong em: em i bilong autim tok bilong God.

Devit I Marimari

1 Samyuel 26:6 – 28:2

KING SOL WANTAIM OL SOLDIA BILONG EN I WOKIM KEM LONG PLES STRET. OL I WOK LONG REDI LONG PAIT WANTAIM DEVIT. NA LONG BIKNAIT DEVIT I KISIM ABISAI, PIKININI MAN BILONG SMOLPAPA BILONG EN, I WOKABAUT ISI ISI I GO LUSIM OL MAN I WAS LONG KEM BILONG SOL. TUPELA I PAINIM KING. NA TUPELA I NO MEKIM NOIS.



TUPELA I WOKABAUT ISI ISI TRU NA I GO KLOSTU LONG KING.

GOD I BIN PUTIM BIRUA BILONG YU LONG HAN BILONG MITUPELA. NAU BAI MI PINISIM EM!



NOGAT. BIKPELA I BIN MAKIM SOL I STAP KING BILONG ISREL NA BIKPELA YET I MAS MAKIM TAIM SOL I MAS I DAI, NA OLSEM WANEM EM I MAS I DAI.

GIVIM MI SPIA WANTAIM BOTOL WARABILONG EN. NA BAI MIPELA I GO BEK.



LONG MONINGTAIM DEVIT I SANAP ANTAP LONG MAUNTEN NA I SINGAUT.

KING SOL! LUKIM! MI KISIM SPIA WANTAIM BOTOL WARABILONG YU.

OLAMAN! YU BIN KAM KISIM DISPELA SAMTING TAIM MI SLIP. NA TRU TUMAS, YU INAP KILIM MI TASOL YU NO MEKIM. SORI TRU. BIHAIN MI NO KEN TRAIM MOA LONG KILIM YU.



Used by permission of the David C. Cook Foundation. Copyright 1973, David C. Cook Publishing Co. All rights reserved.

Used by permission of the David C. Cook Foundation. Copyright 1973, David C. Cook Publishing Co. All rights reserved.

Tarzan

by EDGAR RICE BURROUGHS




TARZAN®
Trademark TARZAN Owned by Edgar Rice
Burroughs, Inc. and Used by Permission



Tand Rem
Sa . . . lusim,
dispela meri...



Long namel long pait, lida bilong
ol Sagot i lukluk i go antap long
skai.



Na wanela samting insait long
ol klaut i salim wanela tok
long em.....

© 1978 United Feature Syndicate, Inc.



Rem Gilak...
Mahar i laik-im ol man bi-long
grau
tasol.....

ROSS
MANNING
7-9 #2470

**SPOT
PES**

Ol Refri no amamas long ol soka graun



Ol refri i no laik lukautim ol soka gem long Mosbi. Presiden bilong Mosbi Soka Asosiesen, Mista Moses Murray i bin tok. Ol refri i no amamas tumas long lukautim ol soka gem. Em long wanem, ol pilai graun bilong soka i no gutpela tumas.


Mista Murray i tok tu olsem, ol refri i bin kros long wanem, soka graun bilong Difens Fos, Edministretiv Koles na G.F.C. i nogut. Long dispela tasol, ol refri i bin salim pas i go long Soka Asosiesen na askim ol long lukluk long dispela samting.

Mosbi Soka Asosiesen i bin raitim pas i go long ol klap, husat i papa long ol dispela tripela soka graun na askim ol long stretim graun hariap.

miting na toktok long dispela samting.


Long dispela miting, Mista Murray i tok, bai ol i mas pasim olgeta soka gem inap long tu o tripela wik olgeta. Tasol planti ol arapela memba bilong Soka Asosiesen i no bin orait long dispela tingting bilong em.

Tasol inap nau, ol lain klap ya i no bin bekim yet pas bilong Soka Asosiesen. Ols- em na long namba 4 de long mun Julai, ol i bin holim wanpela



Long tupela poto ya yumi lukim ol Yunivesiti na Sunam pilaia i mekim save long pilai.

Ol sunam i putim blakpela siot na ol Yunivesiti i putim ol blupela siot.



**PORT MORESBY SOKA ASOSIESEN
DRO BILONG 21 & 22 JULAI 1979**

SATURDAY 21

Taim	Ples	Gred	Tim	Ref
12.45	Boroko	4th	Somba Vs Paradise	Kepi Joseph
1.55	No. 1	3rd	Waicom Vs Ali United	Mao Sapek
3.05	No. 1	2nd	Amoana Vs Blue Kumuls	Oksi Kaema
4.10	No. 1	1st	Ke Club Vs Elcom	Mao Sapek
12.45	Boroko	4th	Jets Vs N.D.R.	Nasinum Panga
1.55	No. 2	3rd	Paramana Vs Cigga	John Wesley
3.05	No. 2	2nd	Air Niugini Vs Ilimo F.	Nasinum Panga
4.10	No. 2	1st	Maegin Vs Kiriwina	Kepi Joseph
12.45	Defence	3rd	Imele R. Vs Luth. Brs.	Tony Ayor
3.05	Defence	2nd	Kula Vs Co-op Coll.	Bernard Ekako
4.10	Defence	1st	Seminary Vs Admiralty	Daniel Stephen

SUNDAY 22

Taim	Ples	Gred	Tim	Ref
12.45	Boroko	4th	Bunbun Vs Amuyawa	Mao Sapek
1.55	No. 1	3rd	Haus Bilas Vs G/Enough	Dina Kofomu
3.05	No. 1	U/19	Tarangau Vs Uni	Stephen Pouru
4.10	No. 1	U/19	Sunam Vs Kapit	Lindsay Semion
12.45	Boroko	4th	Cape Nelsen Vs Mannah	Detu Amkun
1.55	No. 2	3rd	Tokanen Vs Papane	Seve Otara
3.05	No. 2	U/19	Solo Vs Sogeri	David Kambe
4.10	No. 2	U/19	Guria Vs Public Works	Joe Banakore
3.05	Defence	2nd	Batisalem Vs Defence	Amos Mirirait
4.10	Defence	1st	Manolos Vs Cape Wood	Martin Pouru
12.45	G.F.C.	4th	S. Livapul Vs Movei	Hans Radermacher
2.55	G.F.C.	U/19	G.F.C. Vs Idubada Tech.	Napoleon Liosi
3.05	G.F.C.	2nd	Cape Vogal Vs Kruf	Zinga Mela
4.10	G.F.C.	1st	Togelu Vs Kunta	Jimmy Mata

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.